

## UGOVOR O JAVNOJ NABAVCI USLUGA

Zaključen dana 11.03.2019. godine u Sarajevu između:

**KJP „Sarajevo-šume“ d.o.o. Sarajevo, ul. Maršala Tita 7/II** (u daljem tekstu: **Naručilac usluga**),  
koga zastupa Direktor Preduzeća **mr.sci. Nermin Demirović, dipl.ing.šum.**

i

**„Inspekt RGH“ Društvo sa ograničenom odgovornošću za kvalitet i kvantitet roba Sarajevo**, sa sjedištem u Sarajevu, ul. Hamdije Kreševljaković br. 18/I, Sarajevo, registrovano kod Općinskog suda u Sarajevu, Aktuelni Izvod iz sudskog registra, broj: 065-RegZ-19-000935 od 04.02.2019.godine, identifikacioni broj: 4200115990008; PDV broj:200115990008 (u daljem tekstu: **Izvršilac usluga**) koga zastupa **Jazvin Riad**.

(u daljem tekstu : **Ugovorne strane**)

### Član 1.

Predmet ovog Ugovora je javna nabavka usluga za potrebe Ugovornog organa u 2019.godini, i to:

**- Usluge ispitivanja kvaliteta nafte, naftnih derivata i ulja**

a u svemu prema ponudi Izvršioca usluga protokolisanoj kod Naručioca usluga pod brojem, broj: 0103-201-4/19 od 12.02.2019. godine i Obrascu za cijenu ponude, koji je prilog ovog Ugovora i njegov sastavni dio.

Ukupna vrijednost usluga iz prethodnog stava iznosi **2.500,00 KM**, bez uključenog iznosa pripadajućih indirektnih poreza, odnosno PDV-a, koji plaća Naručilac usluga.

### Član 2.

Ovaj Ugovor se zaključuje na osnovu Zapisnika o pregledu i ocjeni ponude Stalne komisije za javne nabavke u postupku javne nabavke broj: 0103-201/19 putem direktnog sporazuma, broj: 0103-201-5/19 od 22.02.2019. godine i Odluke o javnoj nabavci usluga putem direktnog sporazuma, broj: 0103-201-6/19 od 04.03.2019. godine.

### Član 3.

Izvršilac usluga se obavezuje da će Naručiocu usluga za vrijeme trajanja Ugovora vršiti usluge navedene u članu 1. ovog Ugovora u roku od jednog dana po prijemu narudžbenice, uposlovnom pogonu Izvršioca usluga, a u svemu prema ponudi Izvršioca usluga protokolisanoj kod Naručioca usluga pod brojem: 0103-201-4/19 od 22.02.2019. godine.

### Član 4.

Naručilac usluga se obavezuje da Izvršiocu usluga za izvršene usluge iz člana 1. ovog Ugovora plati novčanu naknadu u skladu sa jediničnom cijenom usluga koja je dostavljena u Ponudi Izvršioca usluga i to u roku od 7 (sedam) dana od dana ispostavljanja fakture, uplatom na transakcijski račun, broj: 160-200-00003300 otvoren kod Vakufske banke.

### Član 5.

Ugovorne strane su saglasne da su jedinične cijene i ukupna vrijednost usluga iz člana 1. ovog Ugovora nepromjenjive u svemu prema ponudi Ponuđača, koja je protokolisana kod Ugovornog organa pod brojem: 0103-201-4/19 od 22.02.2019. godine.

### Član 6.

Za realizaciju ovog Ugovora u ime Naručioca usluga zadužuje se Izvršni direktor Oblasti za opšte poslove.

Za praćenje realizacije ovog Ugovora u ime Naručioca usluga zadužuje se Služba za marketing i komercijalne poslove.

**Član 7.**

Ponudač u svrhu izvršenja ovog Ugovora nema pravo zapošljavati fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je angažovala Stalna Komisija za javne nabavke Ugovornog organa, najmanje 6 (šest) mjeseci po zaključenju Ugovora, odnosno od početka realizacije Ugovora.

**Član 8.**

Na sve što nije regulisano ovim Ugovorom primjenjuju se odredbe Zakona o obligacionim odnosima F BiH.

**Član 9.**

Sve eventualne sporove po ovom Ugovoru ugovorne strane rješavat će sporazumno, a ako to ne bude moguće u slučaju spora po ovom Ugovoru nadležan je Općinski sud u Sarajevu.

**Član 10.**

Ovaj Ugovor stupa na snagu danom potpisivanja od strane obje Ugovorne strane i traje do 31.12.2019.godine.

**Član 11.**

Ovaj Ugovor je sačinjen u 6 (šest) istovjetnih primjeraka od kojih 4 (četiri) zadržava Naručilac usluga, a 2 (dva) primjerka Izvršilac usluga za svoje potrebe.

Za Izvršioca usluga

Jazvin Riad



Za Naručioca usluga

Direktor

mr.sc. Nermin Demirović, dipl.ing.šum.



Broj: 14-1-1009/19

Datum: 11.03.2019. godine

Broj: 0103-201-7/19

Datum: 11.03.2019.godine